

TUSIGĀ TALA: “Compare/Contrast”

Fa’atonuga: filifili se ‘autū e tasi e fai mai ai lau tusigā tala


O nai ‘autū e talafeagai ma lēnei itū’āiga ‘auala o tusigā tala:

- O mea e tutusa ma e ‘ese’ese ai fo’i ni nofoaga se lua, e pei o ‘Amerika Sāmoa ma Sāmoa
- O mea e tutusa ma e ‘ese’ese ai fo’i ni gagana se lua, e pei o le Fa’asāmoa ma le Fa’aperetānia
- O ni tagata se to’alua, e pei o ‘oe ma lou uso

Uiga:

O lēnei itū’āiga tusigā tala e fa’amatalā ni mea e tutusa ma e ‘ese’ese ai fo’i ni mea se lua, e pei o ni tagata, o se matā’upu, po ‘o se nofoaga ma isi. O le faiga o manatu e lē tatau ‘ona fa’aitū’au i se matā’upu e tasi, e fa’apei o lou taumafai e fa’atōsina le tagata faitau i ni mea e lelei ai se mea o lo ‘o ‘ē manatu i ai, na i lo ‘o le isi mea. ‘Ua tūsia lēnei itū’āiga tusigā tala ‘ina ‘ia fa’aosofia ai le fiafia i lagona o le tagata faitau, e uiga i le nātura o le tagata soifua. E mafai ‘ona fa’amatala ni mea e tutusa ma e ‘ese’ese ai fo’i, ae taumafai e ‘aua ne ‘i fa’apito au fa’atusatusaga i se mea e tasi o lo ‘o ‘ē fia talanoa i ai. Tasi o le mea, o lēnei itū’āiga tusigā tala fa’atusatusa e ta’ua i le gagana Peretānia o le “comparison essay”, o lo ‘o fa’amatalā ni mau e tutusa ai ni mea se lua. ‘A ‘o le itū’āiga tusigā tala fa’atusatusa e ta’ua o le “contrast essay”, e fa’ataua lava i ni ‘ese’ese o ni mea se lua.

Fa’ata’ita’iga:



	Tāne	Fafine
Ivi	Tetele	Laiti
Pa'u/Tino	Mamafa	Mānifinifi
Lāpo'a?	E lē Lāpopo'a	Lāpopo'a tele

